

後漢書

列傳

十九

朱景王杜馬劉傅堅馬列傳第十二

後漢二十二

朱祐傳

朱祐字仲先南陽宛人也

東觀記祐作福避安帝諱○劉次曰

案注引東觀記安帝諱則此人當名祐前後皆誤矣

少孤歸外家復陽

劉氏

復陽縣名屬南陽郡

往來舂陵世祖與伯升皆親

愛之伯升拜大司徒以祐爲護軍

前書曰護軍都尉秦

官平帝元始元年更名護軍也及下世祖爲大司馬討河北復

以祐爲護軍常見親幸營止於中祐侍講從

容曰長安政亂公有日角之相此天命也

解在光武紀也

世祖曰召刺姦收護軍

主莽置左右刺姦使督姦

猶祐乃不敢復言從征河北常力戰陷陣

續漢書曰祐至南燕爲賊

書曰祐上親候視之以爲偏將軍封安陽侯

世祖即位拜爲建義大將軍建武二年更封

堵陽侯

堵陽縣名屬南陽郡故城在今唐州方城縣堵音者冬與諸將

擊鄧奉於淯陽祐軍敗爲奉所獲明年奉破

乃肉袒因祐降帝復祐位而厚加慰賜遣擊

新野隨皆平之

隨縣名屬南陽郡故在今隨州隨縣也

延岑自

敗於穰遂與秦豐將張成合祐率征虜將軍

祭遵與戰於東陽大破之

東陽聚名在南陽

臨陣斬

成延岑敗走歸豐祐收得印綬九十七

東觀記曰

牧得所盜茂陵武帝廟衣印綬

進擊黃郵降之賜祐黃金三

十介四年率破姦將軍侯進輔威將軍耿植

代征南大將軍岑彭圍秦豐於黎丘破其將

張康於蔡陽斬之帝自至黎丘使御史中丞

李由持璽書招豐豐出惡言不肯降車駕引

還勅祐方略祐盡力攻之明年夏城中窮困

豐乃將其母妻子九人肉袒降祐輶車傳豐

送洛陽斬之大司馬吳漢劾奏祐廢詔受降

違將帥之任帝不加罪祐還與騎都尉臧宮

會擊延岑餘黨陘鄼筑陽三縣賊悉平之祐

爲入質直尚儒學將兵率衆多受降以克定

城邑爲本不存首級之功又禁制士卒不得

虜掠百姓軍人樂放縱多以此怨之九年屯

南行唐拒匈奴

行唐今恒州縣也

十三年增邑定封

鬲侯

鬲縣名屬平原郡

食邑七千三百戶

東觀漢記曰祐自陳

功薄而國大願受南陽五百户足矣上不許也

十五年朝京師上大

將軍印綬因留奉朝請祐奏古者入臣受封

不加王爵可改諸王爲公帝即施行又奏宜

奉三公並去大名以法經典後遂從其議祐

初學長安帝往候之祐不時相勞苦而先升

講舍後車駕幸其第帝因笑曰主人得無捨

我講乎以有舊恩數蒙賞賚

東觀漢記曰上在長安時嘗與祐共買蜜合藥上追念之賜祐白蜜一石

問何如在長安時共買蜜乎其親厚如此

十四年卒子商嗣商卒子演嗣永元十四年

坐從兄伯爲外孫陰皇后吳房侯陰和帝陰后吳房侯陰綱女也爲巫蠱事廢永初七年鄧太后紹封

演子冲爲鬲侯

### 景丹傳

景丹字孫卿馮翊櫟陽人也少學長安王莽時舉四科

東觀漢記曰王莽時舉有德行能言語通政事明文學之上

丹

以言語爲固德侯相有幹事稱遷朔調連率

副貳

朔調上谷也副貳屬令也

更始立遣使者徇上谷丹

與連率耿況降復爲上谷長史王郎起丹與

況共謀拒之況使丹與子弇及寇恂等將兵南歸世祖世祖引見丹等笑曰邯鄲將帥數言發漁陽上谷兵吾聊應然

王郎將帥數云欲發

二郡兵以拒光武時光武聊應然之猶今兩軍遙相戲弄也

何意二郡良爲吾來

東觀記曰上在廣阿聞外有大兵自

來登城勒兵在西門樓上問何等兵

丹等對言上谷漁陽兵上曰爲誰來乎對方日爲劉公即請丹入人人勞勉恩意甚備

與士大夫共此功名耳拜丹爲偏將軍號奉

義侯從擊王郎將兒宏等於南綰

兒音五反

郎

兵迎戰漢軍退郤

續漢書曰南綰賊迎擊之營得上轂車輜重數乘也

丹等縱突騎擊大破之追奔十餘里死傷者

從橫丹還世祖謂曰吾聞突騎天下精兵今

乃見其戰樂可言邪遂從征河北世祖即位

以識文用平狄將軍孫咸行大司馬衆咸不

悅詔舉可爲大司馬者

東觀記載識文曰

多一日字群臣所推唯吳漢及丹帝曰景將

軍北州大將軍是其人也然吳將軍有建大

策之勲

謂發漁陽兵也

又誅苗幽州謝尚書其功大

苗曾舊制驃騎將軍官與大司馬相兼也

前書

謝躬舊制驃騎將軍官與大司馬相兼也

武帝置大司馬號大將軍驃騎將軍也乃以吳漢爲大司馬而

拜丹爲驃騎大將軍建武二年定封丹饒陽

侯帝謂丹曰今關東故王國雖數縣不過饒

陽萬戶邑夫富貴不歸故鄉如衣繡夜行故

以封卿耳

前書武帝謂朱買臣之詞

丹頓首謝秋與吳漢

建威大將軍耿弇建義大將軍朱祐執金吾

賈復偏將軍馮異強弩將軍陳俊左曹王常

騎都尉臧宮等從擊破五校於葦陽

聚名也

武紀降其衆五萬人會陝賊蘇況攻破弘農生

獲郡守丹時病

東觀記曰丹從上至懷病瘧

見上在前瘧發寒慄上炎

瘧

聞壯士不病瘧今漢大將軍反病瘧邪使小黃門扶起賜醫藥還歸洛陽病遂加

帝

以其舊將欲令強起領郡事乃夜召入謂曰  
賊迫近京師但得將軍威重臥以鎮之足矣  
丹不敢辭乃力疾拜命將營到郡到弘農也十餘日薨子尚嗣徙封余吾侯續漢書曰將營兵西州屯留縣西北尚卒子苞嗣苞卒子臨嗣無子國絕永初七年鄧太后紹封苞弟遽爲顯亭侯

### 王梁傳

王梁字君嚴漁陽安陽人也爲郡吏太守彭寵以梁守狹奴令與蓋延吳漢俱將兵南及世祖於廣阿拜偏將軍既拔邯鄲賜爵關內侯從平河北拜野王令與河內太守寇恂南拒洛陽北守天井關朱鮪等不敢出兵世祖以爲梁功及即位議選大司空而赤伏符曰王梁主衛作玄武玄武北方之神龜蛇合體帝以野王衛之所徙史記曰衛元君自濮陽徙於野王玄武水神之名司

空水土之官也。於是擢拜梁爲大司空，封武彊侯。建武二年，與大司馬吳漢等俱擊檀鄉。有詔軍事一屬大司馬，而梁輒發野王兵。帝以不奉詔，敕令止在所縣，而梁復以便宜進軍。帝以梁前後違命，大怒，遣尚書宗廣持節軍中，斬梁廣。不忍，乃櫞車送京師。既至，赦之。月餘，以爲中郎將，行執金吾事。北守箕關，擊赤眉別校，降之。三年春，轉擊五校，追至信都。趙國破之，悉平諸屯聚。冬，遣使者持節拜梁。

前將軍四年春擊肥城文陽，拔之。

肥城縣名，屬太山郡。

將軍杜茂擊佼彊、蘓茂於楚沛閒，拔大梁、齧

桑。

前書音義曰：齧桑縣名，或曰城邑。史記張儀與齊楚會戰齧桑。

而捕虜將軍馬武、偏將軍王霸亦分道並進，歲餘悉平之。五年，從救桃城，破龐萌等。梁戰尤力，拜山陽太守，鎮撫新附，將兵如故數月。徵入代歐陽歙爲河南尹。梁穿渠引穀水注洛陽城下，東寫鞏川，及渠成而水不流。七年，有司劾奏：

之梁慙懼上書乞骸骨乃下詔曰梁前將兵  
征伐衆人稱賢故擢典京師建議開渠爲入  
興利旅力既愆迄無成功旅衆也愆過也言  
衆力已過而功不成百姓怨讐談者譴謫譴謗雖蒙寬宥猶執  
議退君子成入之美諭語載孔子之言也其以梁爲濟  
南太守十三年增邑定封阜成侯阜成屬渤海今冀州縣十四年卒官子禹嗣禹卒子堅石嗣堅石  
追坐父禹及弟平與楚王英謀反棄市國除

杜茂傳

杜茂字諸公南陽冠軍人也初歸光武於河  
北爲中堅將軍常從征伐世祖即位拜大將  
軍封樂鄉侯樂鄉屬信都國北擊五校於真定進降  
廣平建武二年更封苦陘侯與中郎將王梁  
擊五校賊於魏郡清河東郡悉平諸營保降  
其持節大將三十餘人續漢書曰降其渠帥  
大將軍杜猛持節光  
祿大夫董敦等三郡清靜道路流通明年遣使持節  
拜茂爲驃騎大將軍擊沛郡拔芒芒縣名也  
郡國志曰後名臨睢時西防復反逆佼彊五年春茂率

捕虜將軍馬武進攻西防數月拔之彊奔葦  
憲東方既平七年詔茂引兵北屯由晉陽廣  
武以備胡寇廣武縣名屬太原郡九年與鴈門太守郭  
涼擊盧芳將尹由於繁時繁時縣名今代州縣也芳將  
賈覽率胡騎萬餘救之茂戰軍敗引入樓煩  
柳與匈奴連兵數寇邊民帝患之十二年遣  
謁者段忠將衆郡弛刑配茂鎮守北邊因發  
邊卒築亭候修烽火又發委輸金帛繒絮供  
城樓煩縣名屬鴈門郡故城在今代州崞縣東北崞音郭時盧芳據高  
車轉運先是鴈門人賈丹霍匡鮮勝等爲尹  
由所略由以爲將帥與共守平城丹等聞芳  
敗遂共殺由詣郭涼涼上狀皆封爲列侯詔  
送委輸金帛賜茂涼軍吏及平城降民自是  
盧芳城邑稍稍來降涼誅其豪右郁氏之屬  
鎮撫羸弱旬月間鴈門且平芳遂亡入匈奴  
帝擢涼子爲中郎宿衛左右涼字公文右北  
平人也身長八尺氣力壯猛雖武將然通經

書多智略尤曉邊事有名北方初幽州牧朱浮辟爲兵曹掾擊彭寵有功封廣武侯十五年增茂邑更封脩侯脩縣名屬信都國也十五年坐斷兵馬廩縑斷猶割也使軍吏殺入免官削戶邑定封參驁鄉侯十九年卒子元嗣永平十四年坐與東平王等謀反劉攽曰案王平顏者多連士大夫故杜元坐之傳寫忠是楚王同時謀反之誤遂作東平王東平何嘗反也減死一等國除永初七年鄧太后紹封茂孫奉爲安樂亭侯

### 馬成傳

馬成字君遷南陽棘陽人也少爲縣吏世祖徇潁川以成爲安集掾調守今汝州縣也長安令及世祖討河北成即棄官步負追及於滿陽以成爲期門從征伐世祖即位再遷護軍都尉建武四年拜揚武將軍督誅虜將軍劉隆振威將軍宋登射聲校尉王賞發會稽丹陽九江六安四郡兵擊李憲時帝幸壽春設壇場禮祖禮遣之應劭風俗通曰謹案禮傳共工氏之子曰修好遠游舟車所至

足跡所逮靡不窮覽故祀以爲祖神祖祖也

進圍憲於舒令諸軍

各深溝高壘憲數挑戰成堅壁不出守之歲

餘至六年春城中食盡乃攻之遂屠舒斬李憲追擊其黨與盡平江淮地七年夏封平舒

侯

平舒屬代郡

八年從征破隗蹠以成爲天水太

守將軍如故冬徵還京師九年代來歛守中

郎將率武威將軍劉尚等破河池遂平武都

河池縣一名仇池屬武都郡今鳳州縣也

明年大司空李通罷以

成行大司空事居府如真數月復拜揚武將

軍十四年屯常山中山以備北邊并領建義  
大將軍朱祐營又代驃騎大將軍杜茂繕治  
障塞自西河至渭橋

西河今勝州富昌縣也

陽縣東南

河上

至安邑

前書曰河上池名故秦內史高帝二年改爲河上郡

恒州

左馮翊

中山

至鄴皆築保壁起烽燧十里一候

在事五六 年帝以成勤勞徵還京師邊人多

上書求請者復遣成還屯及南單于保塞北  
方無事拜爲中山太守上將軍印綬領屯兵

如故二十四年南擊武谿蠻賊無功

武溪水在今辰

州盧溪縣西

上大守印綬二十七年定封全椒侯

全椒縣名今滁州縣也

就國三十二年卒子衛嗣衛卒

子香嗣徙封棘陵侯香卒子豐嗣豐卒子玄

嗣玄卒子邑嗣邑卒子醜嗣桓帝時以罪失國延熹二年帝復封成玄孫昌爲益陽亭侯

### 劉隆傳

劉隆字元伯南陽安衆侯宗室也王莽居攝中隆父禮與安衆侯崇起兵誅莽事泄隆以

年未七歲故得免及壯學於長安更始拜爲

騎都尉謁歸謁請也謂

請假

迎妻子置洛陽聞世

祖在河內即追及於射大以爲騎都尉與馮異共拒朱鮪李軼等軼遂殺隆妻子建武二

年封亢父侯

亢父縣名屬東平國今城在今兗州任城縣南四年拜

誅虜將軍討李憲憲平遣隆屯由武當

武當今均

十三年增邑更封竟陵侯是時天下墾田多

不以實又戶口年紀互有增減十五年詔下

州郡檢覈其事，而刺史太守多不平均或優  
饒，豪右侵剋羸弱，百姓嗟怨，遮道號呼。時諸  
郡各遣使奏事，帝見陳留吏牘上有書視之。  
云潁川弘農可問，河南南陽不可問。帝詰吏。  
由趣吏不肯服抵<sup>也</sup>言於長壽街上得之。  
帝怒時顯宗爲東海公年十二在幄後言曰。  
吏受郡勅當欲以墾田相方耳。帝曰即如此  
何故言河南南陽不可問？對曰河南帝城多  
近臣，南陽帝鄉多近親，田宅踰制不可爲準。

帝令虎賁將詰問吏，吏乃實首服。如顯宗對  
於是遣謁者考實，具知姦狀。明年隆坐徵下  
獄，其疇輩十餘人皆死。帝以隆功臣特免爲  
庶人。明年復封爲扶樂鄉侯。以中郎將副伏  
波將軍馬援擊交趾蠻夷徵側等，隆別於禁  
谿口破之。交趾郡麓冷縣有金溪冗相傳音訛謂之禁溪則徵側等所敗處也。其地今岑州新昌縣也。麓音麋冷音零。獲其帥徵貳徵側之妹，斬首千餘級。降者二萬餘人，還更封大國爲長平  
侯。長平縣屬侯汝南郡及大司馬吳漢薨，隆爲驃騎將

軍行大司馬事隆奉法自守視事八歲上將

軍印綬寵賜養牛上樽酒十斛

前書音義曰  
綬米一斗得

中樽粟米一斗爲下樽也

酒一斗爲上樽稷米一斗爲

中樽粟米一斗爲下樽也

以列侯奉朝請

三十年定封慎侯

慎縣名屬汝南郡也

中元二年卒謚

曰靖侯子安嗣

### 傅俊傳

傅俊字子衛潁川襄城人也世祖徇襄城俊以縣亭長迎軍拜爲校尉襄城收其母弟宗族皆滅之從破王尋等

東觀記曰傅俊從上迎擊王尋等於陽關

漢兵反走還汝水上上以手飲水濡盥鬚眉謂塵垢謂俊曰今日罷倦甚諸卿寧憊邪以爲偏將軍別擊京密破之遣歸潁川牧葬家屬及世祖討河北俊與賓客十餘人北追及於邯鄲上謁世祖使將潁川兵常從征伐世祖即位以俊爲侍中建武二年封昆陽侯三年拜俊積弩將軍與征南大將軍岑彭擊破秦豐因將兵徇江東揚州悉定七年卒謚曰威侯子昌嗣徙封蕪湖侯

蕪湖縣名屬丹陽郡

建初中遭母憂因上書以國貧不願之對乞錢五十

萬爲關內侯肅宗怒貶爲關內侯竟不賜錢  
永初七年鄧太后復封昌子鐵爲尚置亭侯

堅譚傳

堅譚字子攸

東觀記  
攸作皮

頴川襄城人也爲郡縣

吏世祖討河北或薦譚者因得召見以其吏能署主簿又拜偏將軍從平河北別擊破大槍於盧奴世祖即位拜譚揚化將軍封灤強侯

灤強縣名屬汲南

音於勒反

與諸將攻洛陽而朱鮪

別將守東城者爲反間私約譚晨開上東門

上東門洛陽故城東面北頭第一門也 譚與建義大將軍朱祐秉閒而入與鮪大戰武庫下

洛陽記曰建始殿東有大會倉

東有武庫藏兵之所 殺傷甚衆至旦食乃罷朱鮪由是

遂降又別擊內黃平之建武二年與右將軍

萬脩徇南陽諸縣而堵鄉入董訢反宛城獲

南陽太守劉驛譚乃引軍赴宛選敢死士夜

自登城斬關而入訢遂棄城走還堵鄉鄧奉

復反新野攻破吳漢時萬脩病卒譚獨孤絕

南拒鄧奉北當董訢一年闢道路隔塞糧餉

不至譚食蔬菜與士卒共勞苦每急輒先當

矢石

石謂發石以投人也墨子日備城者積石百枚重十鈞已上者身被

王

創以此能全其衆及帝征南陽擊破訢奉以

譚爲左曹常從征伐六年定封合肥侯二十

六年卒子鴻嗣鴻卒子淳嗣淳卒子雅嗣

馬武傳

馬武字子張南陽湖陽人也少時避讎客居江夏王莽末竟陵西陽三老起兵於郡界武往從之後入緣林中遂與漢軍合更始立以

武爲侍郎與世祖破王尋等拜爲振威將軍與尚書令謝躬共攻王郎及世祖拔邯鄲請躬及武等置酒高會因欲以圖躬不克旣罷獨與武登叢臺故趙王臺也在今路州邯鄲城中從容謂武曰吾得漁陽上谷突騎欲令將軍將之何如武曰驚怯無方略世祖曰將軍久將習兵豈與我掾史同哉武由是歸心及謝躬誅死武馳至射大降世祖見之甚悅引置左右每勞饗諸將武輒起斟酌於前世祖以爲歡復使

將其部曲至鄴武叩頭辭以不願世祖愈美

其意因從擊群賊世祖擊大來五幡等敗於

慎水武獨殿還陷陣故賊不得追及

殿反言兵敗而鎮其後也進也音丁

列范陽縣西南以有廣陽

即廣平亭也

國故謂此亭爲小廣陽也

武常爲軍鋒力戰

無前諸將皆引而隨之故遂破賊窮追至平

谷浚靡而還

平谷縣名屬漁陽郡浚靡縣名屬右北平郡靡音靡

世祖

即位以武爲侍中騎都尉封山都侯建武四

年與虎牙將軍蓋延等討劉末武別擊濟陰

下成武楚丘拜捕虜將軍明年龐萌反攻桃  
城武先與戰破之會車駕至萌遂敗走六年  
夏與建威大將軍耿弇西擊隴蜀漢軍不利  
引下隴蜀追急武選精騎還爲後拒身被甲  
持戟奔擊殺數千人○劉攽曰案文言武持  
戟奔擊何能殺數千人

明干是昭力  
十字

兵乃退諸軍得還長安十三年增

邑更封鄃侯

鄃縣名屬平原郡故城在今德州平原縣西南鄃音俞

將

子就國武徑詣洛陽上將軍印綬削戶五百

兵北屯下曲陽備匈奴坐殺軍吏受詔將妻

定封爲揚虛侯。因留奉朝請。帝後與功臣諸侯讌語。從容言曰。諸卿不遭際會。自度爵祿何所至乎。高密侯禹先對曰。臣少嘗學問。可群文學博士。帝曰。何言之謙乎。卿鄧氏子。志行修整。何爲不豫功曹餘。各以次對。至武曰。臣以武勇。可守尉督盜賊。帝笑曰。旦勿爲盜賊。自致亭長。斯可矣。武爲久嗜酒。闊達。敢言。闊達大度也。敢言謂言果敢而無所隱也。時醉在御前。面折同列。言其短長。無所避忌。帝故縱之。以爲笑樂。帝

雖制御功臣。而每能回容。宥其小失。回曲也。曲法以容也。遠方貢珍。甘必先徧賜列侯。而太官無餘。有功輒增邑賞。不任以吏職。故皆保其福祿。終無誅譴者。二十五年。武以中郎將。擊武陵蠻夷。還上印綬。顯宗初。西羌寇隴右。覆軍殺將。朝廷患之。復拜武捕虜將軍。以中郎將王豐副。與監軍使者竇固。右輔都尉陳訢。將烏桓黎陽營三輔募士。光武置黎陽營見鄧訓傳。涼州。諸郡羌胡兵。及弛刑合四萬人。擊之到金城。

浩亹

與羌戰

浩亹縣名屬金城郡故城在今蘭州廣武縣西南浩音告亹音

門斬首六百級又戰於洛都谷爲羌所敗

水

一名洛都水西自吐谷渾死者千餘人羌乃界入在今鄯州湟水縣

乃

率衆引出塞武復追擊到東西邯大破之

元

水經注曰邯川城左右有水自北出南經邯亭注于河蓋以此水分流謂之東西邯也在今鄲州化陰縣東

斬首四千六百級獲生口千六百人餘皆降散武振旅還京師增邑七百戶并前千八百戶永平四年卒子檀嗣坐兄伯濟

與楚王英黨頗忠謀反國除永初七年鄧太

后紹封武孫震爲謬亭侯

謬音胡巧反又力彫反

震卒

子側嗣

論曰中興二十八將前世以爲上應二十八

宿未之詳也然咸能感會風雲奮其智勇

雲

已具聖稱爲佐命亦各志能之士也

易道卦驗曰黃

公傳

稱爲佐命亦各志能之士也

易道卦驗曰黃

佐命鄭玄注云黃者火之子佐命張良是也已上皆華嶠之辭議者多非光武不以功臣任職至使英姿茂績委而勿用

下

然原夫深圖遠筭固將有以焉爾若乃王道

既衰降及霸德王謂周也霸謂齊桓晉文公猶能授受惟

庸勲賢皆序如管隰之迭升植世先趙之同

列文朝可謂兼通矣

史記曰管仲隰朋修齊國之政齊人皆悅事之

管子曰管仲寢疾桓公問之若不可諱政將安移之對曰隰朋可國語云文公使趙衰爲卿辭曰先軫有謀臣不若也乃使先軫佐下軍公曰趙衰其所讓皆社稷之衛也

降

自秦漢世資戰力至於翼扶王運皆武人屈起屈起猶勃起亦有鬻繒屠狗輕猾之徒灌嬰以屠狗爲事皆從高祖樊噲沛人或崇以連城之賞或任任相封爲潁陰侯阿倚也衡平也言天下依倚而取平也故勢疑則隙生力侔則亂起勢位

過則君臣相疑侔等也蕭樊且猶縲紲信越終見菹戮

不其然乎

蕭何爲丞相爲人請上林中空地

上大怒乃下廷尉械繫之燕王盧綰反樊噲以相國擊燕人有惡噲黨於呂氏帝大怒使陳平即軍中斬噲平畏呂氏執噲詣長安韓信封爲淮陰侯人上書告信反呂后使武士縛信斬之彭越爲梁王呂后令其舍人告越謀反遂夷宗族刑法志曰夷三族者梟其首菹其骨肉彭越韓信皆受此誅

自茲以降迄于孝武宰輔五世莫非公侯高祖至于孝武凡五代也其中宰輔皆以公侯勲貴爲之遂使縉紳道塞賢能蔽壅縉赤色也紳帶也或作搢朝有世及之私下多抱關之怨世及謂父子相繼也

爲禮抱關謂爭。前書曰蕭望之署小苑  
東門侯王仲翁謂望之日不肯碌碌反抱關

爲其懷道無聞委身草莽者亦何可勝言故

光武鑒前事之違存矯枉之志。矯正也違失者過其正也枉曲也孟

子曰矯枉雖寇鄧之高勲耿賈之鴻烈分土

不過大縣數四所加特進朝請而已。

鄧禹爲大司徒

封高密侯食邑四縣耿弇好時侯食邑二縣奉朝請賈復封膠東侯允食六縣以列侯加

特進觀其治平臨政課職責各將所謂導之以政齊之以刑者乎。論語曰導之以政齊之以刑人免而無恥若格

臣則於其有害也○劉攽

之功臣其傷已甚。

格正也若以上法繩正功

日注於其有害也。何者直繩則虧褒恩舊燒  
宋文少一人字情則違廢禁典選德則功不必厚舉勞則人  
或未賢參任則群心難塞並列則其敝未遠  
參任謂兼勲賢而任之則群臣之心各有覬  
望故難塞也若遵高祖並用功臣則其敝未  
遠不得不校其勝否即以事相權勝否猶可權謂平  
其輕重故高秩厚禮允答元功峻文深憲責  
成吏職建武之世侯者百餘若夫數公者則  
與參國議分均休咎賈復傳曰帝方以吏事  
是時列侯唯高密固始膠東三侯與其餘七公卿參議國家水薄恩遇甚厚也其餘七

優以寬綽完其封祿莫不終以功名延慶者  
後昔留侯以爲高祖悉用蕭曹故入上  
留書曰望見

諸將往往偶語張良曰此謀反耳陛下起布衣爲天子而所封皆蕭曹故人耳相聚謀反也見

高紀而郭伋亦譏南陽多顯郭伋傳曰光武

帝引見伋因言選補衆職當簡天下賢俊不宜專用南陽人也常深納其言鄭興

又戒功臣專任鄭興傳曰興徵爲太中大夫

上疏曰道路咸曰朝廷欲用

功臣用則人位謬矣夫崇恩偏授易啓私溺之失至公均被必廣招賢之路意者不其然乎永平中顯宗追感前世功臣乃圖畫二十八將於

南宮雲臺其外又有王常李通竇融阜茂合三十二人故依其本第係之篇末以志功臣之次云爾

太傅高密侯鄧禹

中山太守全椒侯馬成

大司馬廣平侯吳漢

河南尹阜成侯王梁

左將軍膠東侯賈復

琅邪太守祝阿侯陳俊

建威大將軍好時侯耿弇

驃騎大將軍參驛侯杜茂

執金吾雍奴侯寇恂

積弩將軍昆陽侯傅俊

征南大將軍舞陽侯岑彭

左曹合肥侯堅譚

征西大將軍陽夏侯馮異

上谷太守淮陽侯王霸

建義大將軍鬲侯朱祐

信都太守阿陵侯任光

征虜將軍潁陽侯祭遵

豫章太守中水侯李忠

驃騎大將軍櫟陽侯景丹

右將軍槐里侯萬脩

虎牙大將軍安平侯蓋延

太常靈壽侯邳彤

衛尉安成侯跳期

驍騎將軍昌城侯劉植

東郡太守東平侯耿純

橫野大將軍山桑侯王常

城門校尉朗陵侯臧宮

大司空固始侯李通

捕虜將軍揚虛侯馬武

大司空安豐侯竇融

驃騎將軍慎侯劉隆

太傅宣德侯阜茂

贊曰帝績思<sub>之</sub>又庸功是存<sub>之</sub>庸勳也言將興帝

績則念勳功之臣

也  
有來群后捷我戎車<sub>千</sub>  
捷勝也謂寇鄧之徒  
皆克婉孌龍姿儻景同翻<sub>婉孌猶親愛也龍</sub>  
捷也偶也言諸將齊景<sub>姿謂光武也儻齊</sub>  
翻飛而舉大功也

後漢列傳第十二

張

崇

王

鰲叟

校正

竇融列傳第十三

范曄

後漢書二十三

竇融傳

弟子固

曾孫憲

玄孫章

竇融字周公扶風平陵人也七世祖廣國孝文皇后之弟封章武侯

章武縣屬勃海郡故城在今滄州魯縣也

融高祖父宣帝時以吏二千石

上云

自常山徙焉

融早孤王莽居攝中爲強弩將軍司馬

強弩將軍

即莽明義侯士俊東擊翟義還攻槐里

槐里趙明霍鴻等起兵以應翟義王邑等破義還合軍擊明

鴻等滅之融時隨其軍也見前書以軍功封

建武男

並云

女弟爲大司空正

小妻家長安中出入貴戚連結閭里蒙榮以任俠爲名然事母兄養弱弟內脩行義王莽末青徐賊起太師王匡匡王莽之子請融爲助軍與共東征及漢兵起融復從王邑敗於昆陽下歸長安漢大長驅入關王邑薦融拜爲波水將軍前書音義曰波水在長安南

波賜黃金千斤引兵至新豐莽敗融以軍降史始大司馬趙萌萌以爲校尉甚重之薦融爲鉅鹿太守融見更始新立東方尚擾不欲出關而高祖父嘗爲張

掖太守從祖父爲護羌校尉從弟亦爲武威太守累世在河西知其土俗獨謂兄弟曰天下安危未可知河西殷富帶河爲固張掖屬國精兵萬騎漢邊郡皆置屬國一旦緩急杜絕河津足以自守此遺種處也遺留也可以保全不畏絕滅兄弟皆然之融於是日往守萌守猶求也辭讓鉅鹿圖出河西圖謀也萌爲言更始乃得爲張掖屬國都尉融大喜即將家屬而西既到撫結雄傑懷輯羌虜韓和甚得其歡心河西翕然歸之

是時酒泉太守梁統金城太守庫鈞

前書後  
發日庫

姓即倉庫吏後也今羌中有張掖都尉史苞

三輔決錄注苞字叔文茂陵人也

張掖都尉史苞

辛彤並列郡英俊融皆與爲厚善及更始敗  
融與梁統等計議曰今天下擾亂未知所歸  
河西斗絕在羌胡中斗峻絕也前書  
日成山斗入海不同心  
戮力戮并也則不能自守權鈞力齊復無以相  
率當推一人爲大將軍共全五郡觀時變動  
議既定而各謙讓咸以融世任河西爲吏人

所敬向乃推融行河西五郡大將軍事是時  
武威太守馬期張掖太守任仲並孤立無黨  
乃共移書告示之二人即解印綬去於是以  
梁統爲武威太守史苞爲張掖太守竺曾爲  
酒泉太守辛彤爲敦煌太守庫鈞爲金城太  
守融居屬國領都尉職如故置從事監察五  
郡河西民俗質樸而融等政亦寬和上下相  
親晏然富殖修兵馬習戰射明烽燧之警羌  
胡犯塞融輒自將與諸郡相救皆如符要

不失期

每輒自破之其後匈奴懲又

懲創也

人亦懲也

稀復侵寇而保塞羌胡皆震服親附安

定北地上郡流入避凶飢者歸之不絕融等

遙聞光武即位而心欲東向以河西隔遠未

能自通時隗囉先稱建武年號融等從受正

朔囉皆假其將軍印綬囉外順入望內懷異

心使辭士張玄游說河西曰更始事業已成

尋復亡滅此一姓不再興之効今即有所主

便相係屬一旦拘制自令失柄後有危殆雖

悔無及今豪傑競逐雌雄未決

項羽謂高祖  
願與沛公

決雌雄

爲從以威勢

相脅日橫

高

可爲六國下不

失尉佗

趙眞

姓

當各據其土宇與隴蜀合從

前書音義

日以利合

定人也陳勝起

佗行南海尉

遂王有南越故曰尉佗也

融等於是召豪傑及諸太守計議其中智者皆曰漢承堯運

左傳曰陶唐氏既衰其後有劉累學擾龍事孔甲爲御龍氏春秋時晉卿士會即其後也

士會奔秦後歸晉其處者爲劉氏戰國時劉氏自秦獲於魏魏遷大梁都於豐號豐公即太上皇父也故

曰漢承堯運謂河圖赤伏符曰自前世博物道術之

圖書

謂河圖赤伏符曰

金秀發兵捕不道

自前世博物道術之

冉谷子雲夏賀良等建明漢有再受節符言之夕矣

前書成帝時谷永上書曰陸不當陽數之標季涉三七之節紀哀帝

時夏賀良言赤精子識漢家曆運中衰當再受命矣故劉子駿改易名字異應其占

劉歆以哀帝建平元年改名秀字賴叔異應符命

及莽

末道士西門君惠言劉秀當爲天子遂謀立子駿事覺被殺出謂百姓觀者曰劉秀眞汝主也皆近事暴著

暴露也著見也

智者所共見也除

言天命且以人事論之今稱帝者數人而洛

陽土地最廣甲兵最強號令最明觀符命而

察入事宅姓殆未能當也諸郡太守各有賓客或同或異融小心精詳遂決策東向五年夏遣長史劉鈞奉書獻馬先是帝聞河西完富地接隴蜀常欲招之以逼酓述亦發使遺融書遇鈞於道即與俱還帝見鈞歡甚禮饗畢乃遣令還賜融璽書曰制詔行河西五郡大將軍事屬國都尉勞鎮守邊五郡兵馬精彊倉庫有蓄民庶殷富外則折挫羌胡內則百姓蒙福威德流聞虛心相望道路隔塞邑

邑何已長史所奉書獻馬悉至深知厚意今  
益列有公孫子陽天水有隗將軍方蜀漢相  
攻權在將軍舉足左右便有輕重猶蒯通曰  
與楚即楚  
勝與漢以此言之欲相厚豈有量哉諸事具  
長史所見將軍所知王者迭興千載一會言  
時  
難得而  
易失也欲遂立桓文輔微國當勑卒功業周  
室  
弱齊桓晉文以霸天下欲三分鼎足連衡合從亦宜  
以時定蒯通說韓信曰三  
分天下鼎足而立天下未笄吾與爾  
絕域非相呴之國今之議者必有任蹠效尉

佗制七郡之計秦胡亥時南海尉任囂病且  
死召龍川令趙佗語曰番禺  
負山險阻南北東西數千里頗有中國人相  
輔此亦一州之主可爲國故召公即令行南  
國尉事地理志曰蒼梧鬱林合浦交趾九真  
南海日南皆越之分也此爲七郡也效致也  
俗本作教者謀也○劉放曰王者有分土  
流注行南國尉事案文國當作海無分民自適已事而已今以黃金二百斤賜  
將軍便宜輒言因授融爲涼州牧璽書既至  
河西咸驚以爲天子明見萬里之外網羅張  
立一作女之情融即復遣鈞上書白臣融竊伏  
自惟幸得託先君未屬蒙恩爲外戚累世二

高石至臣之身復墮列位假歷將帥

假猶守  
也

持一隅以委質則易爲辭以納忠則易爲力書不足以深達至誠故遣劉鈞口陳肝膽自

以底裏上露長無纖介底裏皆露言無藏隱而璽書盛

稱蜀漢二主三分鼎足之權任卿尉佗之謀竊自痛傷臣融雖無識猶知利害之際順逆之分豈可背真舊之主事姦偽之人廢忠貞之節爲傾覆之事棄已成之基求無冀之利此三者雖問狂夫猶知去就而臣獨何以用

心謹遣同產弟友詣閼口陳區區友至高平

高平今涼州  
別縣也

會顯

反叛

道絕馳還

遣司馬席封

閒行通書

東觀記及續漢書席皆作虞字

帝復遣席封賜融

交書所以慰藉之甚備

尉藉解見隗囂傳

融既深知

帝意乃與隗囂書責讓之曰伏惟將軍國富

政修士兵懷附親遇虎會之際國家不利之

時

謂漢遭王莽篡奪也

守節不回

回邪

承奉本朝後遣

伯春昌黎子恂之字也委身於國無疑之誠於斯有效

融等所以欣服高義願從役於將軍者良爲

此也而忿悁之間，情恚改節易圖，君臣分爭，上下接兵。言違背光武也委成造難就也。去從義爲橫謀。去從背山東也爲橫通西蜀也。百年累之一朝毀之，豈不惜乎？殆執事者貪功建謀以至於此。吉隗囂執政事者貪有功而立逆謀也融竊痛之。當今西列地勢肩迫，人兵離散，易以輔入，難以自建計。若失路，不反聞道，猶迷。淮南子曰：通於道者如車軸，不運於已而與轂致數千里不通於道者若迷。惑告以東西南北然猶復迷惑矣。不南合子陽，則北入文伯耳。文伯盧芳也夫負虛交而易強，

禦恃遠救而輕近敵。負亦恃也，易輕也。恃公孫速而輕光武也。易音反以跂未見其利也。融聞智者不危衆以舉事，仁者不違義以要功。今以小敵大於衆，何如？言危衆也。棄子微功於義，何如？言違義也。且初事本朝，稽首北面忠臣節也。稽首拜天子禮也。禮君南嚮答陽之義臣北面荅君及遣伯春垂涕相送，慈父恩也。俄而背之謂吏士何忍而棄之？謂留子何？留子謂見在之子對伯春故日留也。自起兵以來，轉相攻擊，城郭皆爲丘壠。生人轉於溝壑，今其存者非鋒刃之餘，則

流亡之孤。迄今傷痍之恥，未愈哭泣之聲。尚聞幸賴天運，少還而大將軍復重於難。是使積病不得遂瘳，幼孤將復流離。其爲悲痛，尤足愍傷。言之可爲酸鼻。宋玉曰：孤子寡婦，寒心酸鼻。庸人且猶不怠，况仁者乎？融聞爲忠甚易，得宜實難。左傳曰：忠爲令德，非其難人也。不可況不令乎？憂入大過以德取怨。詩曰：不以我爲德，反以我爲讎。知旦以言獲罪也。區區所獻，唯將軍省焉。蹠不納融，乃與五郡太守共砥厲。兵馬上疏請師，期帝深嘉美之。乃賜融

以外屬圖及太史公五宗外戚世家。景帝子爲王而母五人同母者爲一宗，故曰五宗。言景帝以竇氏所生而致予宗衆多也。魏其侯列傳。竇嬰太后從兄子也。封魏其侯，魏其縣屬琅邪郡。詔報曰：每追念外屬孝景皇帝出自竇氏。出生也。爾雅曰：男子謂姊妹之子曰出。定王、景帝之子朕之所祖。昔魏其一言繼統以正。梁孝王景帝弟也，亦竇太后時景帝未立太子，酒酣帝從客曰：千秋之後，傳梁王太子驩。竇嬰引卮酒進上曰：天下者，高祖天下父子相傳漢之約也。長君少君尊奉師傳。長君竇太后兄也，少君太后弟廣國帝何以得傳梁王帝遂止矣。字也。絳、灌等以兩人所出微擗爲

師傳長者有節行者與居長君少君由此爲退讓君子不以富貴驕人見前書

修成

淑德施及子孫羊跋反

此皇太后神靈上

天祐漢也從天水來者寫將軍所讓隗顥書痛入骨髓眸子臣見之當股慄愧忠臣則酸

鼻流涕義士則曠若發蒙聰明也有

說文曰曠明也

非忠孝慤誠孰能如此

前書揚雄曰乃今日發蒙廓然光耀矣

豈其德薄者所能克堪聰子而無見日蒙說文曰毅謹也

知失河西之助族禍將及欲設閒離之說亂惑真心轉相解搆相解說以成其姦又京師

百僚不曉國家及將軍本意多能採取虛偽誇誕妄談今忠孝失望傳言乖實毀譽之來皆不徒然不可不思今關東盜賊已定大兵今當悉西將軍其抗厲威武以應期會融被詔即與諸郡守將兵入金城初更始時先零羌封何諸種殺金城太守居其郡隗顥使使賂遺封何與共結盟欲發其衆融等因軍出進擊封何大破之斬首千餘級得牛馬羊萬頃穀數萬斛因並河揚威武並音蒲浪反伺候車

雋時大兵未進融乃引還帝以融信効著明  
益嘉之詔右扶風修理融父墳塋祠以太牢  
數馳輕使致遺四方珍羞梁統乃使入刺殺  
張玄遂與顓絕皆鮮所假將軍印綬七年夏  
酒泉太守竺曾以弟報怨殺入而去郡東觀  
曾弟嬰報怨殺屬國侯王猶等曾慙而去郡  
將軍更以辛形代之秋隗顓發兵寇安定帝  
將自西征之先戒融期會遇雨道斷且顓兵  
已退乃止融至姑臧姑臧縣名屬武威郡今  
涼州縣也西河舊事曰

涼州城昔匈奴故蓋臧城後人音訛名姑臧也

被詔罷歸融恐大兵

遂又不出乃上書曰隗顓聞車駕當西臣融  
東下士衆騷動計且不戰顓將高峻之屬皆  
欲逢迎大軍後聞兵罷峻等復疑顓揚言東  
方有變西列豪傑遂復附從顓又引公孫述  
將令守突門突門守城之門墨子曰突門也  
城百步爲一突門也臣融孤弱介在其間杜預注左傳云介猶閒也雖承威靈宜速救  
助國家當其前臣融促其後緩急迭用首尾  
相資顓勢排逕排逕謂蹙迫也不得進退此必破也

若兵不早進，久生持疑，則外長寇讎，內示困弱。復令讒邪？得有因緣臣竊憂之。惟陛下哀憐，帝深羨之。八年夏，車駕西征隗闡。融率五郡太守及羌虜小月氏等小月氏西城胡國名步騎數萬，輜重五千餘兩，與大軍會高平。第一高平今原列縣郡國志云高平有第一城融先遣從事問會見儀適猶言儀注。是時軍旅代興，諸將與三公交錯道中，或背使者交私語。帝聞融先問禮儀甚善，之以宣告百僚，乃置酒高會，引見融等，待以殊禮。

拜弟交爲奉車都尉，從弟士太中大夫，遂共進軍，聽衆大潰，城邑皆降。帝高大融功，下詔以安豐、陽泉、蓼安、安風四縣。四縣並屬廬江郡安豐今壽州縣也故城在今霍山縣西北安豐本漢六安國及陽泉故城並在今安豐縣南杜預注左傳曰蓼在安豐蓼音了。○劉惔曰蓼封融爲安豐安案文多安字此縣名蓼而已。封融爲安豐侯，弟交爲顯親侯。顯親縣故城在今秦州成紀縣東南也遂以次封諸將帥：武鋒將軍竺曾爲助義侯，武威太守梁統爲成義侯，張掖太守史苞爲褒義侯，金城太守庫鈞爲輔義侯，酒泉太守辛彤

爲扶義侯封爵既畢乘輿東歸悉遣融等西還所鎮融以兄弟並受爵位父專方面懼不自安數上書求代詔報曰吾與將軍如左右手耳

韓信士蕭何自追之人日丞相何士數高祖聞之如失左右手耳見前書

數執謙退何不曉人意勉勵士民無擅離部曲及隴蜀平詔融與五郡太守奏事京師官屬賓客相隨駕乘千餘兩馬牛羊被野融到詣洛陽城門上涼州牧張掖屬國都尉安豐侯印綬詔遣使者還侯印綬引見就諸侯位賞

賜恩寵頃動京師數月拜爲翼列牧十餘日又遷大司空融自以非舊臣一旦入朝在功臣之右每召會進見容貌辭氣卑恭已甚帝以此愈親厚之融小心久不自安數辭讓爵位因侍中金遷口達至誠金遷安上之曾孫安上日碑弟倫之子遷哀帝時爲尚書令見前書又上疏曰臣融卒五十三有字年十五質性頑鈍臣融朝夕教導以經蓀不得令觀天文見讖記誠欲令恭肅畏事恂恂循道不願其有才能何況乃當傳以連城

廣土享故諸侯王國哉因復請聞求見帝不許後朝罷逡巡席後帝知欲有讓遂使左右傳出它由會見迎詔融曰日者知公欲讓職還土日者猶往日也故命公暑熱且自便今相見宜論它事勿後復言融不敢重陳請二十年大司徒戴渉坐所舉人盜金下獄帝以三公參職不得已乃策免融明年加位特進二十三年代陰興行衛尉事特進如故又兼領將作大匠弟交爲城門校尉兄弟並典禁兵融復

乞骸骨說苑曰晏子任東阿乞骸骨以避賢者之路輒賜錢帛太官致珍奇及交卒帝愍融年衰遣中常侍中謁者即其卧內強進酒食融長子穆尚內黃公主代交爲城門校尉穆子勲尚東海恭王彊女沈陽公主交子固亦尚光武女涅陽公主顯宗即位以融從兄子林爲護羌校尉竇氏一公兩侯三公主四二千石一公大司空顯親也四二千石衛尉城門校尉護羌校尉中郎將相與並時自祖及孫官府邸第相望京邑奴婢以千數於親戚

功臣中莫與爲比永平二年林以罪誅事在

西羌傳帝由是數下詔切責融戒以竇嬰田

熲禍敗之事

田熲武帝王皇后異父弟也爲  
丞相構會竇嬰之罪使至誅戮

事見前書

融惶恐乞骸骨詔令歸第養病歲餘聽

上衛尉印綬賜養牛上樽酒融在宿衛十餘  
年年老子孫縱誕多不法穆等遂交通輕薄  
屬託郡縣干亂政事以封在安豐欲令姻戚  
悉據故六安國遂矯稱陰太后詔令六安侯  
劉盱去婦因以女妻之五年盱婦家上書言

狀帝大怒乃盡免穆等官諸竇爲郎吏者皆  
將家屬歸故郡獨留融京師穆等西至函谷  
關有詔悉復追還會融卒時年七十八謚曰  
戴侯贈送甚厚帝以穆不能修尚不能修整  
自高尚也而擁富訾居大第常令謁者一人監護其家  
居數年謁者奏穆父子自失勢數出怨望語  
帝令將家屬歸本郡唯勲以沘陽主婿留京  
師穆坐賂遺小吏郡捕繫與子宣俱死平陵  
獄勲亦死洛陽獄久之詔還融夫人與小孫

一人居洛陽家舍十四年封勲弟嘉爲安豐侯食邑二千户奉融後和帝初爲少府及勲子大將軍憲被誅免就國嘉卒子萬全嗣萬全卒子會宗嗣萬全弟子武別有傳

論曰竇融始以豪俠爲名拔起風塵之中拔音步未反拔卒也亦以投天隙授會天閒隙遂蟬蛻音彰八反義兩通蟬蛻所解皮也終膺卿相毛文說文曰蟬蛻去微至貴也蛻音稅之位此則徼功趣勢之士也及其爵位崇滿至乃放遠權寵恂恂似若不能已者又何智

詳味此子之風度雖經國之術無足多談而進退之禮良可言矣

固字孟孫少以尚公主爲黃門侍郎續漢書曰給事黃門侍郎六百石好覽書傳喜兵法貴顯用事中元元年襲父交封顯親侯顯宗即位遷中郎將監羽林士續漢志曰宣帝命中郎將騎都尉監羽林秩比二千石後坐從兄穆有罪廢于家十餘年時天下大安帝欲遵武帝故事擊匈奴通西域以固明習邊

事固舊隨詔在河十五年冬拜爲奉車都尉

續漢志曰比二千石掌御乘輿

以騎都尉耿忠爲副子也謁

忠弇也

者僕射耿秉爲駙馬都尉秦彭爲副皆置從事司馬並出屯涼州明年固與忠率酒泉敦

煌張掖甲卒及盧水羌胡

案湟水東經臨羌縣故城北又東盧

溪水注之水出南盧川即其地也

萬二千騎出酒泉塞耿秉

秦彭率武威隴西天水募士及羌胡輒騎出

居延塞

居延塞在今甘州張掖縣東北

又太僕祭肜度遼將

軍吳棠將河東北地西河羌胡及南單于兵

萬一千騎出高闕塞

高闕山名在朔方北

騎都尉來苗

護烏桓校尉文穆將太原鴈門代郡上谷漁

陽右北平定襄郡兵及烏桓鮮卑萬一千騎

出平城塞固忠至天山

即祁連山也在今河西交河縣東北今名

漫山擊呼衍王斬首千餘級呼衍王走追

至蒲類海

蒲類海今名婆悉海在今庭川蒲昌縣東南也

留吏士屯

伊吾盧城

伊吾今伊州縣也本匈奴地明帝置宜禾都尉以爲屯田故地今伊州納職縣併吾故小城地是

耿秉秦彭絕漠六百餘里至

三木樓山

山名

來苗文穆至匈奴河水上

○劉放曰接匈奴水名多一  
奴字前書匈奴去令居千里虜皆奔走無所

獲祭形吳棠坐不至涿邪山免爲庶人時諸將唯固有功加位特進明年復出玉門擊西域詔耿秉及騎都尉劉張皆去符傳以屬固專將兵者並有符傳擬合之取信今去符皆受固之節度固遂破白山降車師事已具耿秉傳固在邊數年羌胡服其恩信東觀記曰羌胡見客炙肉未熟人人長跪前割之血流指間進之於固固輒爲啗不穢賤之是以前愛之如父母也以肅宗即位以公主修勅慈愛累世崇重加號長公主增邑三千戶徵固

代魏應爲大鴻臚帝以其曉習邊事每被訪及建初三年追錄前功增邑一千三百户七年代馬防爲光祿勲明年復代馬防爲衛尉固久歷大位甚見尊貴賞賜粗祿貲累巨億而性謙儉愛入好施士以此稱之章和二年卒謚曰文侯子彪至射聲校尉先固卒無子國除

憲字伯度父勲被誅憲少孤建初二年女弟立爲皇后拜憲爲郎稍遷侍中虎賁中郎將

弟篤爲黃門侍郎兄弟親幸並侍官省賞賜累積寵貴曰盛自王主及陰馬諸家莫不畏憚憲恃宮掖聲勢遂以賤直請奪沁水公主園田明帝女水公主主逼畏不敢計後肅宗駕出過園指以問憲憲陰喝不得對也陰音於禁反喝音一介反或作鳴音烏故反後發覺帝大怒召憲切責曰深思前過奪主田園時何用愈趙高指鹿爲馬愈猶差也趙高又念使入驚怖背求平解見靈帝紀中常令陰黨陰博鄧疊三人更相糾察以陰節皆外戚恐其踰侈故使更相糾察也博陰興之子故諸豪戚莫敢犯法者而詔書切切猶以舅氏田宅爲言勤勤也今貴主尚見枉奪何況小人哉國家棄憲如孤雛腐鼠耳鳥子生而啄者曰雛憲大震懼皇后爲毀眼深謝良久乃得解使以田還主雖不繩其罪然亦不授以重任和帝即位太后臨朝憲以侍中內幹機密幹主也或曰古管字也出宣詰命肅宗遺詔以篤爲虎賁中郎將篤弟景瓌並中常侍於是兄弟皆在親要之地憲以前太尉

鄧彪有義讓先帝所敬而仁厚委隨妾隨猶從也

故尊崇之以爲太傅令百官總已以聽其所

施爲輒外令彪奏內白太后事無不從又屯

騎校尉桓郁累世帝師而性和退自守故上

書薦之令授經禁申所以內外協附莫生疑

異憲性果急睚眦之怨莫不報復睚音語解

懈反廣雅睚裂也或謂裂眦瞋貌史記曰范睢睚眦之怨必報

目初永平時

謁者韓紓嘗考劾父勲獄憲遂令客斬紓子

以首祭勲冢齊殤王子都鄉侯賜齊殤王名石伯升孫

章之子○劉攽曰按殤當作煬說在來弔國

齊王傳彼旣有子不得謚殤明矣

來弔國

憂章帝崩也暢素行邪僻與步兵校尉鄧疊親屬

數往來京師因疊母元首通長樂宮得幸太

后被詔召詣上東門憲懼見率分宮省之權

遣客刺殺暢於屯衛之中屯兵宿衛之所而歸罪於

暢弟利侯剛乃使侍御史與青州刺史雜考

剛等後事發覺太后怒閉憲於內宮憲懼誅

自求擊匈奴以贖死會南單于請兵北伐乃

拜憲車騎將軍金印紫綬官屬依司空依準也長

史一人千石錄屬二十九人令史

以執金吾

耿秉爲副發北軍五校

漢有南北軍中候人六百石掌臨五營

見續漢志○劉放曰注南北軍中候案漢有

北軍中候耳衍南字又掌臨立營當作監

立當

黎陽雍營緣邊十二郡騎士

漢官儀日光武中興

以幽冀并州兵騎克定天下故於黎陽立營

以謂者監之又曰扶風都尉部在雍縣以京

列近羌數犯三輔將兵衛護圍陵故俗稱雍營

及羌胡兵出塞明年

憲與秉各將四千騎

及南匈奴左谷蠡王師

子

師子其名也萬騎出朔方鷄鹿塞南單于屯屠

河

光屠河單將萬餘騎出滿夷谷度遼將軍于名也

將萬餘騎出滿夷谷度遼將軍

鄧鴻

鄧禹少子

及緣邊義從羌胡八千騎與左賢

王安國萬騎出摶陽塞

摶陽在五原郡摶音固

皆會涿

邪山憲分遣副校尉閻盤司馬耿夔耿譚將

左谷蠡王師子右呼衍王須訾等

呼衍其號因以爲姓

匈奴貴種也今呼延

姓是其後須訾名也精騎萬餘與北單于戰

於稽落山大破之虜衆崩潰單于遁走追擊

諸部遂臨私渠北鞬海

匈奴中斬海名也斬名王已下

萬三千級獲生口馬牛羊橐駝百餘萬頭橐

橐音

於是溫犧須日逐溫吾夫渠王柳鞬等八

十一部率衆降者前後二十餘萬人憲秉遂

登燕然山去塞三千餘里刻石勒功紀漢威

德令班固作銘曰惟永元元年秋七月有漢

元舅曰車騎將軍竇憲寅亮聖明登翼王室

寅敬亮信也尚書曰二公弘化寅亮天地登上升也翼輔也納于大麓惟清

緝熙

孔安國注尚書曰麓錄也納之使大錄萬機也周頌曰惟清緝熙鄭玄注云光

明乃與執金吾耿秉述職巡御理兵於朔方

左傳曰小有遠職大有巡功又曰出日理兵

膺揚之校螭虎之士

爰

該六師鷹揚如鷹之飛揚也詩云惟師尚父時惟鷹揚螭山神獸形也史記

單于

東烏桓西戎氐羌侯王君長之群駢騎暨南

日如熊如羆如豺如離徐廣曰離與螭暨南同該備也詩云整我六師以脩我戎暨南

單于

東烏桓西戎氐羌侯王君長之群駢騎暨南

三萬元戎輕武長轂四分

暨及也元戎兵車暨及也詩云元戎十乘以先啓行輕武言

雲輜蔽

路萬有三千餘乘輜車也輜疾也長轂兵車

耀白朱旗絳天

玄甲鐵甲也前書曰玄甲也發屬國之玄甲也

闕下

鷄鹿經磧鹵絕太漠沙土曰漠直度日絳

以釁鼓血尸遂以染鍔

溫禺戶逐皆匈奴王鍔號也周禮殺人以血

塗鼓謂之

釁鍔刃也然後四校橫徂星流彗埽蕭條萬

里野無遺寇於是域滅區單反旆而旋考傳  
驗圖竊覽其山川遂踰涿邪跨安侯乘燕然

躡冒頓之區落焚老上之龍庭

校四面之  
橫祖橫行

也星流彗埽言疾也安侯水名冒頓單于頭  
曼子也區落謂東滅東胡西走月氏南取樓  
煩悉收秦所奪匈奴地冒頓子號號老上  
單于匈奴五月大會龍庭祭其先天地鬼神  
今皆焚

上以攢高文之宿憤光祖宗之玄靈  
蕩之

下以安固後嗣恢拓境宇振大漢之天聲  
被冒頓單于圍於平城七日孝文帝時匈奴  
寇邊殺太守帝欲自征太后不許拓開也天  
聲雷霆之聲甘泉賤曰天

起弓勇士厲恢大也

茲所謂一勞而久

迄暫費而永寧者也

揚雄日以爲不一勞者  
不久逸不暫費者不永  
寧乃遂封山刊石昭銘上德

上猶至也老子曰上德不德是  
以有其辭曰

鑠王師兮征荒裔

鑠義也詩曰於鑠勦凶虐  
王師遵養時晦

兮截海外

勒絕截整齊也詩云  
相士裂裂海外有截

匱其邈兮亘

地界

夐邈皆遠  
也亘竟也

封神丘兮建隆碣

神丘即燕  
然山也方

者謂之碑貞者謂之碣碣

熙帝載兮振萬世

亦碣也協韻音其例反

熙廣也載事也書

日奮庸熙帝之載

憲乃班而還遣軍司馬吳

汜梁諷奉金帛遺北單于宣明國威而兵隨

書

熙廣也載事也書

日奮庸熙帝之載

憲乃班而還遣軍司馬吳

汜梁諷奉金帛遺北單于宣明國威而兵隨

&lt;p

其後時虜中屯亂汜諭所到輒招降之前後萬餘人遂及單于於西海上宣國威信致以詔賜單于稽首拜受諭因說宜修呼韓邪故事保國安入之福言依附漢家自保護其國塞下有急保漢受降城也單于喜悅即將

塞朝于甘泉宮請留居光祿

也宣帝明呼韓邪單于欵

塞下有急保漢受降城也

其衆與諷俱還到私渠海聞漢軍已入塞乃遣弟右溫禹鞬王奉貢入侍隨諷詣闕憲以單于不自身到奏還其侍弟南單于於漠北遺憲古鼎容五年其傍銘曰仲山甫鼎其萬

年子子孫孫永保用憲乃上之詔使中郎將持節即五原拜憲大將軍封武陽侯食邑二萬戶憲固辭封賜策許焉舊大將軍位在三公下置官屬依太尉續漢志太尉長史千石掾屬二十四人令史及御屬二十二人也憲威權震朝廷公卿希旨奏憲位次太傅下三公上長史司馬秩中二千石從事中郎二人六百石自下各有增振旅還京師於是大開府庫勞賜吏士其所將諸郡二千石子弟從征者悉除太子舍人續漢志曰太子舍人

秩二百石無貟更直宿衛也

是時篤爲衛尉景瓌皆侍中

奉車都尉四家競修第宅窮極工匱明年詔曰大將軍憲前歲出征克滅北狄朝加封賞

固讓不受舅氏舊典並蒙爵士

西漢故事帝舅皆封侯

其封憲冠軍侯邑二萬戶篤鄖侯景汝陽侯

瓌夏陽侯各六千戶憲獨不受封遂將兵出鎮涼列以侍中鄧豐行征西將軍事爲副北單于以漢還侍第復遣車諳儲王等欵居延寒欲入朝見願請太使憲上遣大將軍中護

軍班固行中郎將與司馬梁諷迎之會北單于爲南單于所破被創遁走固至私渠海而還憲以北虜微弱遂欲滅之明年復遣右校尉耿夔司馬任尚趙博等將兵擊北虜於金微山大破之克獲甚衆北單于逃走不知所在憲既平匈奴威名大盛以耿夔任尚等爲爪牙鄧疊郭璜爲心腹班固傳毅之徒皆置幕府以典文章刺史守令多出其門尚書僕射鄧壽樂恢並以忤意相繼自殺壽鄧憚子由是

朝臣震懾望風承旨而篤進位特進得舉吏

漢法三公得舉吏

見禮依三公景爲執金吾瓌光祿

勲權貴顯赫傾動京都雖俱驕縱而景爲尤

甚奴客緹騎依倚形勢侵陵小人

漢官儀日執金吾緹

騎二百人說文曰緹帛丹黃色也言奴客及緹騎並爲綏橫也

強奪財貨篡

取罪入妻略婦女商賈閉塞如避寇讎

有司

畏懦莫敢舉奏太后聞之使謁者策免景官

以特進就朝位瓌少好經書節約

自修出爲

魏郡遷潁川太守

○劉放日案文魏郡下少太守二字

竇氏父

子兄弟並居列位充滿朝廷叔父霸爲城門  
校尉霸弟褒將作大匠褒弟嘉少府其爲侍  
中將大夫郎吏十餘人憲既負重勞陵肆滋  
甚四年封鄧疊爲穰侯疊與其弟步兵校尉  
磊及母元又憲女婿射聲校尉郭舉舉父長  
樂少府璜太后居長樂宮故有少府秩二千石皆相交結元舉  
並出入禁中舉得幸太后遂共圖爲殺害帝  
陰知其謀乃與近幸中常侍鄭衆定議誅之  
以憲在外慮其懼禍爲亂忍而未發會憲及

鄧豐班師還京師詔使大鴻臚持節郊迎賜軍吏各有差憲等既至帝乃幸北宮詔執金吾五校尉勒兵屯衛南北宮閉城門收捕豐磊璜舉皆下獄誅家屬徙合浦遣謁者僕射收憲大將軍印綬更封爲冠軍侯憲及雋景瓊皆遣就國帝以太后故不欲名誅憲爲選嚴能相督察之憲篤景到國皆迫令自殺宗族賓客以憲爲官者皆免歸本郡瓊以素自修不被逼迫明年坐稟假貧人稟給也假貸貧人非侯家

之法故徙封羅侯不得臣吏入上充下羅縣屬長沙坐焉  
湘陰縣東北初竇后之諧梁氏憲等豫有謀焉求元十年梁棠兄弟棠及兄雍雍弟翟並梁竦子也徙九真還路由長沙逼瓊令自殺後和熹鄧后臨朝求初三年詔諸竇前歸本郡者與安豐侯萬全俱還京師萬全少子章

論曰衛青霍去病資強漢之衆連年以事匈奴國耗太半矣而猾虜未之勝後世猶傳其良將豈非以身名自終邪竇憲率羌胡邊雜

之師，一舉而空朔庭。至乃追奔稽落之表，飲馬北鞬之曲。銘石負鼎，薦告清廟。列其功庸，兼茂於前，多矣。而後世莫稱者，章末釁以降其實也。也降損是以下流君子所甚惡焉。論語曰：紂之不善不如是之甚也。是以君子惡居下流天下之惡皆歸焉。夫二三子得安得封侯哉？

竇將軍念咎之日，謂太后閉之南宮欲誅之日也。乃

庸力之不暇思，鳴之無晨。吳志諸葛瑾曰：失旦之雞復思一鳴也。何意裂膏腴，享崇號乎？東方朔稱用之，則爲虎不用，則爲鼠信矣。以此言之，士有懷琬琰，以就煨塵者，亦何可支哉？琬琰，美玉也。楚詞曰：懷琬琰以爲心。支，計也。亦何可計言其多也。

章字伯向，少好學，有文章與馬融、崔瑗同好，更相推薦。融集與竇伯向書曰：孟陵奴來賜書見手跡，歡喜何量見於面也。書雖兩紙，紙八行，行七字。永初中，三輔遭羌寇，章避難東國家於外黃。外黃縣屬陳留郡城，在今汴州雍丘縣東。居貧蓬戶。

蔬食

莊子原憲編蓬爲戶論語顏回飯蔬食也

躬勤孝養然講讀

不輟太僕鄧康

禹之孫

聞其名請欲與交

章不肯往康以此益重焉是時學者稱東觀爲老氏臧室道家蓬萊山

老子爲守藏史復爲柱下史四方所

記文書皆歸柱下事見史記言東觀經籍多也蓬萊海中神仙爲仙府幽經秘籙並皆在

焉康遂薦章入東觀爲校書郎順帝初章女年十二能屬文以才貌選入掖庭有寵與梁皇后並爲貴人擢章爲羽林郎將

續漢志曰羽林郎秩

二百石無貞常宿衛侍從也

遷屯騎都尉章謙虛下士取

一進時輩甚得名譽是時梁竇並貴各有賓客多交構其閒章推心待之故得免於患貴人早卒帝追思之無已詔史官樹碑頌德章自爲之辭貴人歿後帝禮待之無衰永和五年遷少府漢安二年轉大鴻臚建康元年梁后稱制章自免卒于家中子唐有俊才官至虎賁中郎將

贊曰悃愞安豐亦稱才雄

楚詞曰悃愞款款王逸注曰志純

一也亦猶實也

提挈河右奉圖歸忠

奉圖者謂既奉外戚圖乃歸於

漢也

孟孫明，邊伐北，開西。叶韻先憲實空漠，遠兵。

金山聽笳，龍庭鑿石。燕然

笳胡樂也老子作之雖則折

鼎王靈以宣。

鼎三足三公象折足者言其不勝任也易日鼎折足覆公餗也

竇融列傳第十三

張

桌

王

鰲叟

校正

